

江油縣志卷之十八

人士志

唐

陳 該字彥表綿州顯武人其先自潁川遷蜀少好學能屬文上元元年州貢進士對策高第釋褐授將仕郎明年制敕天下大儒司屬少卿楊守納薦君應詞殫文律對策高第授茂州石泉縣主簿開耀元年制舉太子舍人司議郎太府少卿元知讓應制薦君於朝堂對策高第授隆州蒼谿縣主簿垂拱四年又應制學綜古今對策高第授懷州河內縣尉凡歷所職皆以清廉仁愛著

江油縣志

卷十八

人士

聞詳見藝文志

李 白字太白涼武昭王九代孫父客避隋末之難僑寓廣漢遂生娠時夢長庚星入懷故以白名少好任俠讀書匡山善賦詩號謫仙賀知章薦之於明皇召入試清平調歎曰仙才也坐以七寶床調羹賜之天寶末嘗推薦郭子儀果為中興功首後坐承王璘事長流夜郎久之會赦得還終於宣城祀鄉賢祠

宋

雍繁孫舊縣壩人紹興中進士以文學見重一時人即名其地曰雍村



明

衛 信洪武孝廉知荊州秩滿當遷民乞留之歷九載政澤淪浹一時推爲賢守後陞任主事

徐 忠宣德進士任戶部主事淡於仕進二年遂乞歸里居敦行古道言笑不苟爲時所重

孫逢吉監生任兩當縣令建學興農士民感德考滿歸田訓子孫睦族黨年九十三談笑而終

戴 仁字西嶺嘉靖辛丑進士歷官兵部清吏司生平好吟咏致仕後絕跡城市以詩文自娛白首弗衰

劉 績科目未詳按羅漢寺水利碑載歷任雲南石屏州知州誥授奉直大夫

江油縣志

卷十八 人士

二

梁光裕原籍湖廣麻城人由武進士出身駐防長沙府調陞龍安營都司遂家於江油全門鄉五甲三木里

梁道濟崇禎末廩生偕妻楊氏讀書公字山爲賊所擒夫妻罵賊殉難 國朝順治初特予旌表祀昭忠祠

袁尙紀貴州通志江油人拔貢萬厯間播平設餘慶縣以永寧州攝縣事捐俸建學敦教化以正人心田立上中下三則丁隨田辦邑人感之

國朝

李廷明 勇畧有爲獻賊王集鄉人立營自衛賊不敢犯事



平授成都城守副將 封昭勇將軍時有敬登第者與  
廷明同禦賊功最多賊畏憚之

羅奇才字鳳羽廩生多智畧獻賊至部署鄉人設險自守  
閒出奇兵屢却賊全活甚眾論功授知縣不就及卒舉  
人楊廷杰題其墓曰樂天隱叟

梁沖霄順治辛卯舉人官浙江嘉興令興利除弊清介自  
持有訟庭花落之風

梁藻沖霄長子由孝廉出身授山東青州府同知陞泰  
安州

楊廷杰號木衣順治辛卯舉人留心帖括博涉經史講學  
江油縣志 卷十八 人士  
不倦大爲士林推服

羅經國號世國歲貢任保縣訓導致仕後家居授徒好吟  
咏年八十一終

楊如祖乾隆甲午舉人歷任雲南富民嶧峨知縣廉介不  
阿致仕歸教授生徒及卒貧無以葬

王 柎乾隆丁酉舉人品端學博制行和雅風度粹然曾  
刻丹桂籍行世卒於公車鄉黨惜之

王世良乾隆辛酉拔貢品行端方邑士多出其門後任丹  
稜縣教諭年八十三無疾而終

羅萬善 恩貢性忠厚教授生徒多所成就崇信陰騭嘗



刊傳家寶數百部以勸世

蕭濟成性孝友讀書未顯立品方正子韶與韶善俱邑庠  
卓有父風

趙孚天幼孤事母孝廉讓端方年七十三終

馮我初增生家貧授徒供母狷介自矢有古直遺風

饒齊愷監生教諭士盛孫耕讀傳家不履公庭方正廉介  
一邑欽之子鈿廩生學餘文生皆有父風

羅錦文增生保縣訓導經國孫公廉正直孝友可風年七  
十卒子元吉貢生孫書辛酉拔貢

王以仁貢生任萬縣訓導正直光明醇博經史士林欽仰  
江油縣志

卷十八 人士

四

年七十八卒子汝構貢生孫崇旦崇樸崇性俱廩生

趙獻瑞素行芳潔不苟取與盛暑必衣冠人皆稱爲趙道  
學鄉鄰有鬪者聞趙至即斂手各散羅江翰林李調元  
旌其門曰孝友人家

蕭韶善庠生性孝友好讀書年九十七尙執卷吟哦忠厚  
處世耕讀傳家子四人俱入文武庠

羅邦宣素有膽畧隨叔雲南千總大綸任由行伍屢立戰  
功拔補提標中營把總乾隆三十九年從定邊右副將  
軍攻克噶西喇嘛寺進攻沙爾泥等處陣亡 賜祭葬  
蔭襲一子祀昭忠祠



許代坤處士武舉學夔附貢學鵬父庠生承先  
有陝西西鄉縣丞廷棟祖公正豪俠嘉慶五年賊首冉添元入境率眾堵禦力屈被執脅降不從遇害祀昭忠祠

張三元嘉慶五年冉賊至仗義決脅被執不屈賊怒寸磔之臨死罵不絕口祀昭忠祠

馬步雲嘉慶五年冉賊犯境率義勇決戰於馬家壩爲賊所困死之祀昭忠祠

寶珍武生嘉慶五年冉賊竄至烏龍寨珍與子燕芳率眾禦賊格鬪而死父子均祀昭忠祠

劉攀桂武生嘉慶五年冉賊至同弟武生永清當先陷陣

江油縣志

卷十八

人士

五

力屈死之均祀昭忠祠

韓正邦武生嘉慶五年冉賊焚掠河東奮勇堵禦兼以舟渡難民中流船沉斃命祀昭忠祠

羅一冕處士讀書授徒不求仕進路拾遺金訪追其主嘉慶五年冉賊入境被執罵不絕口賊遂殺之年七十三同時男女死者十餘人

歐必榮嘉慶五年冉賊至境率眾堵禦被執不屈而死  
梁大成監生慷慨知大義嘉慶五年春率眾禦賊於公字山二月二十二日賊蜂擁蟻聚眾寡不敵被執怒罵賊寸磔之老幼無一存者



曾朝仲妻小性耿直嘉慶五年丹徒賊突至獨持剗刀砍殺一賊眾聞之被執不屈賊刳其屍爲數段

彭大綬武生嘉慶五年教匪至境率眾拒賊被執罵不絕口而死時年六十一

王點文生年七十一嘉慶五年教匪入境罵賊不屈而死

敬儒修文生嘉慶五年賊亂被執不屈遂遇害

陳鎮嘉慶五年爲賊所執縛於樹脅以降罵不絕口賊攢射之

陳天傑文生鳴玉父幼孤事母克孝嘉慶五年賊亂以母在城往視被執於途怒罵不屈賊遂殺之

江浦縣志

卷十八 人士

六

彭利川文生素敦孝友嘉慶五年父歿殯未葬賊突至利川與妻張氏守殯所不忍去遂被執夫婦同時遇害

饒盛貴嘉慶五年挺身禦賊被執不屈遇害

龍飛文監生尙義濟貧樂善不倦丹賊之亂兵民乏食輸穀四百餘石助餉總督勒深嘉之給以衛千總並旌其門年八十無疾而逝臨終以書院頽廢囑其子曰余久有意培補憾此願未遂今實志以歿爾曹其勉爲之後孫萬成置田於書院以成其志

陶大經州同銜冉賊逼境率鄉勇堵禦賊不敢犯復輸穀



百餘石以濟兵民事聞上憲給職銜旌之

陶正儀監生冉賊焚掠河東倉廩無遺輸穀二百餘石地方賴以安靜事聞上憲給八品頂戴褒之

韓宗禮貢生性鷷直樂善濟困扶危諸多義舉冉賊之亂輸穀二百餘石協濟兵食總督勒給八品頂戴

趙仕順職員富而好義施捨義塚棺槨衣米無算冉賊入境饑饉相望輸穀二百餘石總督勒授八品職銜

趙榮川性豪邁喜結納排難解紛好行其德冉賊之變輸穀百餘石全活饑民甚眾上憲給九品職銜

吳伯仁監生冉賊由梓邑犯境居民逃竄因招集義勇拒

江油縣志

卷十八

人士

七

賊河西施穀百餘石安撫流民總督勒給九品職銜

楊熙功性端慤敦厚里中喪不能殯者助以棺丙辰冬中壩太平兩市被火民舍俱焚復按戶賑給迨冉賊至人多流亡傾囊解橐力爲賑濟上憲屢次褒獎

劉金柱輕財好善與楊熙功同修橋梁石路費千金不吝每年捐捨錢米賑窮恤貧里人感之

趙宜昌文生性倜儻喜施與有急難困窮者加意周恤之建橋梁修道路施棺木置義塚累千金不吝遇歲饑則出粟散賑人咸以爲輕財尙義

韓允昌從九素性慷慨乾隆五十八年歲饑斗粟千錢施



米百餘石以賑濟總督孫曾旌之嘉慶五年教匪入境  
難民逃奔餓殍相籍復捐穀米存活甚眾

胡國林冉賊擾後難民乏食發粟賑濟近有公字山被賊  
蹂躪屍骸枕籍捐貲募工親爲砌石掩埋卒年八十子  
嗣滂嗣馨猶繼其志屢置義塚施棺木

朱廷明好施濟乾隆五十六年米價騰貴飢民死者枕籍  
慨輸積穀四百石散給多賴以生修石路千餘丈卒年  
八十三鄉里至今猶稱

羅聯陞增生活靜端方凡惜字建橋修路諸善事無不傾  
囊成之

江油縣志

卷十八

人士

八

劉良芳監生冉賊亂後河東苦飢慨以積穀賑恤難民地  
一方安靖鄉人賴之

趙之鈞監生嘉慶五年河東居民避亂乏食慨施穀米以  
濟里人咸資存活

王獻祥冉賊圍金寶寨時眾心惶恐獨力鎗斃數賊圍遂  
解

郎文治處士公直尙義施義塚十餘畝以便貧人瘞葬

張如璧武生監生可欽職員可宗武生可忠父樂善好施  
荒年輒發穀米鄉里賴之享年九十

劉廷璋廩生鼎新父生平好善倡修橋梁道路數處年七



十六卒邑令旌其門

郭應魁庠生慷慨好施製棉衣以濟貧窮人咸德之子貞元應元相繼入泮年九十卒

何成壽處士好拯困窮無吝心與人稱貸亦無德色子監生端式克效父行爲世推重

雍中林增生監生興之父端方孝友代族人完婚嫁賑濟貧寒世精醫術遇孤寡不取藥費年七旬無疾終孫問仁安仁近仁相繼入泮人謂積德之報

何瑋武生玉祥父貢生啟元祖慷慨好義獨力建橋六座修路二百餘丈屢費千金未殮者助以棺負債者焚

江油縣志

卷十八 人士

九

其券敦行善事始終不倦年八十卒

張邦器文生輕財尙義建橋修路賑孤恤貧畧無所吝

張則忠慷慨好義父以才捐修張家橋則忠後又補修嘗

施棺木百餘具以瘞葬孤貧里人德之孫琴翰林院庶

吉士選授安徽廬江縣知縣

王志綱文生兆昇廷黻佩玉父幼失怙恃事胞兄志大甚恭每事稟命而行性樂善砌路修橋傾貲不吝遇貧苦疾病輒捨藥施錢以助年七十三因兄歿傷毀相繼卒

甘忠文監生家不中貧樂行善事西坪渡頭開有木廠每見中流浮屍即僱工撈收施棺瘞葬數十年不倦



唐餘慶職員素行樂施常獨力捐修雁門場石橋一道路三十餘里長平石橋一道計費四千餘金並未募化功竣刊碑不刻己名洵陰德也

吳昌興中壩人家不甚富好善樂施凡賑窮恤貧造橋修路俱隱己名人皆重之

歐衍慶道光十八年米價騰貴常施米捐錢縣令給燕翼貽謀匾額以獎之祖籍樂昌其先祖名堪甲遷居江油世遵祖訓樂善不倦鄉里咸重之

田思茂生員朝鼎父五歲失怙家極貧遵母訓由勤苦經營致富以孝稱道光十九年大饑出米濟之培古塚百

江油縣志

卷十八

人士

十

餘倡建社倉修中壩場白楊溝石路人皆感服

袁州宰生員好義次子母病數月不痊禱於觀霧山誓以身代雍正元年私攜香燭懷小刀入山斷手而殞兩日後父兄覓尸得之鳥獸罔侵越月母病忽痊

陳天爵儒士其母病危嘗割股以療之後數年而歿儒學陳明書嘉其愚孝以繼女妻之

甯 愚貢生安貧讀書舉孝廉與優行皆不就惟始終竭力事親乾隆二十三年署教諭祝岷上其行巡道張之浚贈孝子詩知縣瞿緝曾爲之記

李興夔性孝友親歿後早夜必拜叩墓所如生前定省三



十餘年始終不懈待諸昆季備極友愛尤好施濟嘉慶二年米價騰貴施米百石以賑貧乏邑令旌之

趙宜楨年十九家貧母病垂危焚香祝天割股以進母病尋愈李長虹爲贈孝子詩

李國仁端慤孝友母歿父繼娶戴氏奉事惟勤援例得從九職母促之仕不就平居好施濟敦行善事卓有古風羅發新文生壽耆必明子年十五生母卒父繼娶黃氏朝夕承歡事如生母每遇疾病寢不解帶食不茹葷人咸重之異母弟三完愛勝於同胞衣服飲食必均始終無間四世同堂

江油縣志

卷十八 人士

十一

何端偉嘉慶五年冉賊殺其父母持鎗奔救賊並殺之破胸剖腹其死最慘

吳上文增生超選伯父冉逆入境怒罵不屈遇害

鞏自明節婦袁氏子家貧事母肫篤及病割股以救遂愈里人咸稱其孝

敬服銘文生家貧事繼母孝待弟勝於同胞嘉慶五年教匪入境母子被執賊殺其母遂殉難卒

陳端弟常俱業儒家貧事親孝冉賊至境父母年均八十餘兄弟同持械協護賊怒殺之父母獲免難

李定國文生倣英子生員建章父性至孝母病割股以療



遂愈後入邑庠卒年八十餘

張雄德事親惟謹母病革割股療之遂愈年八十二卒

陳載陸增生昌元子父病篤割股以療遂痊後與子同入泮僉以爲孝德之報

嚴希堯處士性友愛弟希舜早卒遺三子俱幼教養成立代完婚娶並爲姪紹先捐監生四世同堂不忍異爨人皆重之

胡華貴醫士家居陰平河中磧父母年七十餘華貴偶他出忽大水淹至急駕竹筏往救水甚失筏楫身墮下流三里許幾死忽原筏自至須臾楫亦得復逆還救其父

江油縣志

卷十八 人士

十二

母適有巨石站身載之而歸僉以爲孝念所感

馮道駿文生母郭氏病革割股療之遂愈逾年母乃卒

王杰母冉氏八十歲臥病年餘醫藥罔效虔心致齋自割腕肉奉母療病越日遂愈

趙白天增生幼孤事母孝家貧棄儒就醫得貲奉母有餘即製丸散以濟貧乏妻故遺二子皆幼誓不更娶躬親撫養長子文新讀父書業醫妻死亦不復娶次文運始六歲賴兄鞠育訓誨輔導成立孝友一門族里稱之王會昌廩生性孝友潔膳奉母與弟至枯友愛輕於財不妄取耄猶嗜學著有推車說待梓



劉萬朝性肫篤父病危割股和藥以進即瘳

張致中甫成童母病垂危號泣不已默禱於神請以身代  
一尋愈

黃仕廷處士父病急割股和藥以進即愈里黨稱爲孝子  
李成德中彥子三歲父歿母王氏守節病篤割膺肉以奉  
迺愈鄉里稱孝卒年七十

彌銀貴性忠厚事母以孝聞操賈人業少有奇贏悉以恤  
貧賑孤捐修寶坪壩登龍橋大路數十丈上平武諸狹  
道皆被剗平人咸重之子自源文生頗有父風

陳代芝字鶴田咸豐辛亥科舉人性恂謹平生潔膳奉親  
江油縣志 卷十八 人士 十三

能承色笑母病痿數歲躬侍湯藥身滌褻器終養哀毀  
骨立廬墓三年其孝弟忠信之意肫然流露於衣冠言  
動間鄉人化之感豐辛酉藍逆竄縣境函約鄉人築寨  
圍山賊圍之數匝眾驚欲散乃激以大義親督丁壯殺  
賊無算山後諸寨悉獲安全同治甲子歲大饑倡捐平  
糶周厯勸賑更條陳救荒策於縣四方饑民全活頗眾  
兵荒之後繼以疫癘乃捐製丸散以濟之並刊經驗良  
方痧症全書行世其學講求性理根柢經史不愧衮影  
淡於榮進著有四書五經輯粹五經精義輯要及日省  
鈔錄所作詩文集惟以勸戒感發爲首遺愛至今未泯



同治間四川學政楊秉璋奏舉學行 欽賜國子監學  
正銜光緒二十八年總督岑春煊會同學政吳郁生合  
詞具奏請祀鄉賢祠

蘇定陞文生性至孝家貧授徒以供繼母母性褊急後爲  
感化卒年六十五

羅成德家不中貲爲商以供親後因父病割股進之尋愈  
吳聚祿性至孝好施予藍逆陷城負瞽母逃出被賊擄去  
後又尋得之享年八十餘子江文生

徐麟字玉書廩生其父爲江安校官生三子玉書居季  
最晚出甫週歲即失怙恃就養於兄兄超歲貢生嘗教

江油縣志

卷十八 人士

十四

以書史聽輒能解穎悟過人年十三補弟子員旋食餼  
幼即慧異雙目重瞳當時故有神童之名會藍逆犯境  
被執罵不絕口賊以刃戮之祀昭忠祠蔭一子爲雲騎  
尉

高定甲廩生設帳有年藍逆破中壩時衣冠端坐家中正  
言罵賊賊怒遇害祀昭忠祠子子明襲雲騎尉

劉廷相字公甫文生工星相法藍逆陷中壩衣冠端坐家  
中賊入怒罵遇害祀昭忠祠子定一襲雲騎尉

王肇基文生性剛直藍逆陷中壩被執厲聲大罵竟遇害  
彰明知縣何慶恩贈以義不顧生匾額祀昭忠祠子師



雨襲雲騎尉

歐欽受性質直藍逆犯境率圍堵禦獅子嶺眾潰被執不屈死祀昭忠祠子培育字煦生歲貢品端學正教授鄉塾並主講匡山登龍書院門下士皆登黌序擢高科名重一時即以此起家

唐時瀚字海樓廩生藍逆圍中壩邀紳耆十數人竭力守城賊欲登陴誘以甘言求緩攻隨督壯丁掀石城下斃賊甚夥逾數刻守者皆散孤力持矛擊斃數賊賊勢愈猖卒遇害經旬屍不朽

羅濟川性方直業醫精拳技藍逆陷中壩年七十餘同唐

江油縣志

卷十八 人士

十五

時瀚等督壯丁守城及眾見賊逼皆散去獨挺身格鬪數刻退至崔家橋手持長矛賊不敢近後因他股賊至前後逼處力盡遇害經旬屍不朽

劉德潤藍逆入中壩時充團丁守禦大東門賊上城獨力擊鬪力盡遇害死後尤持刀未釋

林成瑩藍逆入中壩時與弟份生成蔚俱充團丁守禦城門賊上城見其驍悍招邀入營乃執矛便刺大罵羣賊力盡同遇害

吳文昭少棄儒業賈藍逆至中壩同弟文光俱被擄入營不屈遇害



蕭欽元字敬之藍遊犯雙板場督團力禦身經十餘戰鄉里藉以保護事平上憲賞給五品頂戴

王思孔字淑亭居鄉時捐田二十畝設立義館嗣赴陝西候補巡檢任督糧之役遇回匪殉難祀昭忠祠

楊成傑熙功子性好施與中壩沿河石橋七道皆與劉宣捐建其他廟寺道路之屬靡不倡修始終如一子超椿咸豐王子舉人署湖南華容知縣人以爲善報

劉宣廩生好義勇爲與楊成傑修石橋七道集金成會以善其後又同建青歸寺費有千金未嘗刻石表見時論高之

江油縣志

卷十八 人士

十六

雍安仁邑人平武歲貢性仁慈家貧授徒自給士類有寒峻者周恤之以故及門成就甚眾子昇平武 恩貢生田朝鼎思茂子庠生精歧黃常施藥餌凡內外戚屬靡不推惠敬老慈幼婚嫁喪葬必助之里中貧乏皆得所欲以好義見德於鄉

黃宗葵監生性慷慨藍逆入境輸粟二百石助團費平居尤好施與鄉黨稱爲善八年八十餘卒

吳天基布經歷銜家殷實勇於爲善藍逆之亂避難者多至其家保全甚眾子汝澤汝漢汝汾汝澧汝淇俱列上庠孫貴樸文生貴棫廩生



李全祿字毅詒性仁慈慷慨好義鄉里故有善人之名子  
昌盛例貢生幼時被藍逆攜去得還精明諳練施與不  
吝克紹前徽

王志順監生以勤勞起家積而能散所作善事最多至建  
西坪渡浮橋功德尤大膾炙人口子孫繁衍不墜家聲  
事詳藝文

姚萬安字子靜幼聰穎舉筆成文道光乙酉拔貢時年甫  
十六以秋闈累困始設教於鄉精歧黃業著有醫書待  
刊子京誥字命三廩生光緒初舉孝廉方正以教職用  
歷署茂州瀘州劍州學正晚年主講涪江書院遠近樂  
江油縣志 卷十八 人士 十七

從醫理尤精子光策文生

胡紹虞字潛溪 恩貢經明行修授徒家塾造就甚多于  
翊臣字子信增貢生精明強幹遇鄉里紛爭一言而解  
邑中有大公事府縣皆倚重焉生平寬以涉世嚴以處  
己孫樸梓均廩生

涂 堯廩生品端學正教授生徒循循善誘門下士多所  
成就

竇元音巖貢性耿介學問淹雅舌耕爲業出其門者多名  
下士邑令熊汝梅書非公不至匾額及跋語數言表其  
行誼著有鴻爪軒詩文集



鄒允欽字暉英 恩貢歲貢代盛之子世有隱德輕仕重  
儒平居課弟輩讀書友于最切嘉言懿行傳於里閭而  
義方之訓尤鮮所同子興誠與誥俱 恩貢品端學正  
士林仰望三代明經可謂世濟其美矣 邑侯熊汝梅爲  
作墓志銘

楊聯春字捷三廩生姿性英敏律已甚嚴鄉居以正氣感  
人藍逆犯境同里人於圖山築寨坊堵出力尤多子肇  
修肇傑均廩生孫準文生

楊錦春字綱堂歲貢有摯性家居篤學晚乃授徒自娛教  
人首以修身明理相勗著有四書淺說五經大義贈炙  
江油縣志 卷十八 人士 十八

人口學者宗之子肇瑩拔貢肇鑫廩生  
竇廷元歲貢志行高潔沈默寡欲於宅左築亭閣軒池日  
以蒔花飼魚自娛閒及書史性好吟咏遇高人逸士欵  
洽尤殷即以侮暴相加但一笑置之而已集有聽吟詩  
草

竇廷舉歲貢質直剛厚言動不越禮法士人被其教澤者  
甚夥藍逆入境督辦團練出力振頓遠近商賈悉賴保  
護

羅青選廩生以軍功保舉教職歷署廣元閬中訓導平生  
手不釋卷著有易經輯要學憲高廣恩奏請刊行



雍 界邑人平武 恩貢性純篤博通經史遊其門者甚眾鄉里交稱著有韻典蒙求註釋音韻析疑諸書待梓孫長吉廩生

郭進修字懋亭廩生篤學敦品能振厲風俗同治間在武字營効力統領周達武保舉教職歷任德陽教諭巫山訓導卒於署

徐駿發字德軒歲貢沈默寡欲以舌耕爲業邑之食餼入庠者多出其門身居城 山絕不染公年六十卒好必達

姚紹虞字培元廩生性孝友渾厚和平經修中壩場城堡河堤勞勩最著同治甲子階州松潘一帶盜賊蠶起奉

江油縣志

卷十八 人士

十九

督憲札辦理團練堵禦隘口并採辦軍營糧米統領周達武尤器重之以襄辦文案保舉教諭加國子監學正銜補缺後以知縣升用光緒七年署遂甯縣教諭代理潼川府教授十一年授宜賓縣教諭培植學校士林欽仰以年老致仕卒於家 生平精歧黃術其際遇亦多由此子京鑾京尹京晟俱文生

汪功勳監生光緒辛卯歲饑捐金三百糶穀以賑貧乏倡修觀音灘魯家梁大路所費尤鉅鄉人稱爲善士

黃紹瑜監生捐田六十畝歸入育嬰堂以助善舉邑令湯似慈稟請給予五品頂戴



嚴止貴慷慨好義凡有善舉毅然任之歷數十年不倦知  
府蔣德鈞贈以樂善好施匾額享年七十餘子大章候  
選教諭

匡興順家澹泊好爲義舉人咸稱之

徐嘉盛監生家殷富不吝施予有大工作皆慨然力倡之  
里人推重其行

嚴端森例貢生家擁厚貲盡力賑貧濟孤之事中壩炭稱  
向取脚夫釐錢赤貧者恆苦之捐貲集會以代給人皆  
感德子泳五品銜武生慷慨好義克承先業

歐欽仁字壽山監生性友愛坦中樂易跽居里閭事有不

江油縣志

卷十八 人士

二十

平者必婉言排解久之翕然皆化人服其誠他如施衣  
藥施棺不苟力所能濟不稍慳靳同弟欽璽於圖山半  
坡施義塚地數畝子培湘拔貢培鎔文生

歐欽璽榜名紹詢字寶臣增生和平長厚與世無忤篤於  
友愛濟人利物之事尤多子培槐拔貢培垓廩生培楷  
培澧均文生培模從九知府潘炳年作家傳入藝文

涂 殿字丹廷廩生性豪爽恥逐名利凡事有裨於邑者  
無不傾身以圖嘗開引陳公鐵佛兩堰皆獨力倡辦捐  
資集事里人稱便監逆之亂修築圖山石寨督丁守禦  
經旬不倦避賊者悉獲安全年五十餘始得一子臨死



囑以產業推讓其姪尤人所難平生喜作詩古文詞植  
品爲士林之望

劉光奎字星五廩生天才俊逸爲文有奇氣累躋秋闈設  
教鄉里善於啟發後進子遂良文生

瞿開霽字晴初積學能文棘闈累躋以廩生就教職歷署  
蓬溪灌縣永川儒學卒於任所子國式廩生

饒崇玉字琢齋狀貌奇偉志概不凡幼業商藍逆亂時棄  
而帶團堵禦江彰屬地大有斬獲因往投湘果全軍營  
中効力適李逆石逆先後竄擾川南各營合兵會勦玉  
戰則當先奮不顧身右耳旁帶鎗子傷痕轉戰數年功

江油縣志

卷十八 人士

二十一

勞卓著 登蒙總督駱文忠公歷保至花翎以都司留川

補用嗣歸入提標中營差遣奉總督丁文誠公委署維

州守備致仕歸謹樸自守見者不知其曾入宦途也子

時中優廩生以文名一時知府潘炳年作家傳入執文

張邦銀少有勇畧家貧從軍前後攻克回匪擒匪平定新

疆吐嚕滿漢兩城皆在事出力屢著戰功歷保至花翎

提督銜補用總兵俊勇巴圖魯母憂回籍年六十四卒

馮成位家素微投入松潘營効力攻平雲南貴州等處逆

寇屢立戰功補授把總領漳臘營年七十六卒

張鵬翮則忠子安徽廬江知縣琴之伯同治丙寅培修觀



音寺三 殿其工甚鉅光緒甲申重建登龍書院助材  
木若干具力行善舉卓有父風

李成銀朝仕父造橋修路廣行方便年七十餘康健不衰  
沈廷選性古直與世無爭卒年九十六

梁耀金質直務農年九十五無疾而終

敬尙中武生質樸謹厚經營稼穡卒年九十二

蹇白儒增生世彥父教職熒之祖端慤敦厚輕財好施鄉  
里欽仰

王德成字敬修守備銜富而好義捨藥施棺常拯濟鄰貧  
里人感之子齊彥年少知禮光緒二十九年歲大飢斗

江油縣志

卷十八 人士

二十二

米值錢一千四五百文輸穀百餘石平糶克承先志

黃定錫州同銜捐田四十畝歸入匡山書院以助膏火士  
林稱之

王齊義字鏡清例貢生慷慨好義己丑夏大水泛漲沿河  
居民被患助貲賑濟并雇舟撈骸瘞之嗣修築東北兩  
堤數百丈勤勞卓著工頗堅實至今眾口稱之知府蔣  
德鈞上其事於大府旌以世載義聲匾額同治丁卯其  
祖創修西坪渡浮橋欲起船橋局於岸頭未果終賴以  
纘其成可謂善承先志矣乃以積勞致疾卒之前四  
月得一子甚慧人咸謂修德之報云



柯顯昌字熾堂監生少好擊刺之術及壯勇於爲善動必  
以禮咸豐末以團練衛鄉閭能得眾心遇賊敢戰生平  
尤多陰德子五人曰全材曰森並有父風餘亦有聲庠  
序全材以貨殖起家急公好義嘗辦平武鎮江橋團練  
屢除劇盜以監生得獎六品頂戴光緒十三年爲母舒  
氏建百歲坊於新店場一時名人達官贈以聯額兼及  
題詠鄉人榮之森亦監生性孝友有智計數經戰陣同  
治初髮逆餘黨過縣境森以百餘人遇賊於平屬沙窩  
子日暮道狹督壯士張榮桐等虛然火鎗誘賊賊果爭  
奔向森發大礮擊之殪其前鋒數人賊遂夜遁自顯昌  
江油縣志

卷十八 人士

二十三

歿三十餘年孫曾繼起方興未艾里人追念其功咸歎  
爲盛德之報云

張必達廩生附生希南孫增生履謙子性古直恢濶有大  
志與邑中名下士相友善考棚號板向用石後易爲木  
以禦冬寒贊助之力居多子錦垣附生

熊 賢廩生和平坦易以清白傳家督辦團練十餘年鄉  
里資以保衛母歿後五日不食哀毀過甚旋卒子孝倫  
附生

文國華壽士素行正直樂善好施尤喜獎勸人讀書享年  
九十一



彭玉泰性純篤母任氏病危玉泰刲股和藥進得愈事聞知府潘炳年書宗族稱孝匾額旌之

張樹監生性慷慨造橋修路不吝貲財子崇禮業儒好施與鄉里皆稱爲善人次問明武生以耕讀傳家次崇廉監生承嗣季弟

羅綱綸例貢生性孝友淡於名利以詩酒自娛好爲施濟之事子紀黼監生紀冕武生孫應奎文生曾孫秀書庚子辛丑科恩正並行舉人

龍載德監生以勤勞致富好爲善舉與弟監生載喜友愛尤篤子恩錫署湖南沅江縣知縣

江油縣志

卷十八 人士

二十四

龍殿偉字杰堂例貢生監生載喜之子疏財仗義寒畯貧民沾溉者甚多人以是德之子四均業儒啟文廩生

羅國興好爲善光緒初年歲旱出粟百餘石賑濟鄉里全活甚眾

竇元善字雲衢從九銜性剛方族黨子弟咸敬之平日養心以宋學爲主玩易四十餘年嘗云爻爻皆有時中之義即此可知其所得年八十七無疾而終子廷舉歲貢廷翰廩生

王瑞廷監生以承重孫奉事祖母溫清定省恪盡孝思歷二十餘年不懈



任先覺歲貢文生天爵子急公好義鄉里推重

張文炳邑人平武歲貢樸實不阿一鄉欽仰

倪天爵歲貢端方厚重教授生徒遊庠食餼者數十人

曾盛秀字峨峯歲貢質直謹厚言動周旋必衷諸禮人皆

仰重遇事悉就諮詢如書院堤堰寨隘諸務以身任之

規畫盡善可謂一鄉老成現年七十有餘精神尤健子

毓廉文生

歐紹先邑人平武歲貢性懇直與世交無逆億心人以此  
重之

熊天瑛忠厚樸實享年九十八上憲旌以六品頂戴

江油縣志

卷十八 人士

二十五

張坦文生藍逆之亂同弟威練團禦賊捍衛鄉閭頗著  
勞績年八十二康健不衰

劉盛喜監生尙義輕財建橋梁置義渡諸多善舉

何永通處士好施興建橋修路捨藥施棺人咸德之

何玉成文生元愷之祖孝友端方慷慨好義年八十八身

體強健

陶甄廩生性剛正言動有法藍逆陷江城大罵不屈遇害

祀昭忠祠子永欽襲雲騎尉

李文觀監生尙謹敦厚輕財嗜義凡有濟於人之事無不

輸金勇爲上憲以好義恤貧匾額旌其門子次青增生



楊懷震歲貢品端學粹士林尊仰子翰材歲貢天材俊逸  
名重一時劍州李榕題以明經繼述額

鞏固字恆豐庠生慷慨好義倡修白果寺殿宇三層子錫  
齡廩生孫紹周焱俱文生後又培修廟宇以承先志

朱翠峰字成三文生事母以孝謹稱與弟景雲尤相友愛  
少工書道光庚子經修文廟并書數仞宮牆四字見  
者推服嘗擬二十四孝作三十二第詩繪圖立說以是  
求書畫者益多子遠不遠綿均以畫名其孝友並有父  
風云

石秉崑增生事母孝母故刻木於堂奉如生日平居慷慨  
江油縣志 卷十八 人士 二十六  
好義鄰人某病死妻尙幼家貧欲嫁秉崑出貲財贍其  
家以全其節蓋孝義士云

溫慶豐文生質直謹厚一鄉欽仰年七十餘沐浴衣冠端  
坐而逝子潤澤廩生孫顯中文生

劉光先處士性好施與咸豐初捐貲修太白渡觀音灘兩  
處木橋紅廟子石路二百餘丈鄉里稱爲善人子繼向  
繼政孫岳俱廩生

孟擇鄰字卜三平邑廩貢候選訓導慷慨好義捐錢壹千  
釧助建匡山書院修江邑明倫堂前石路數十丈置南  
關外義塚一處此外善舉尤多



柳春和監生質直好義修拱橋設義渡興義學皆助貲竭  
力子成芳文生

李思白監生多材藝家不中貲而性好施濟教族親子弟  
各有執業多所成就歿後數年里人甚追念之

龍登治性和厚年二十七喪偶遺一子誓不再娶節義自  
守卒年五十五族戚爲之請旌以表其行子承運監生  
涂樹倫字敦五監生廩生殿之姪性孝友治家有法鄉里  
爭訟力爲排解人以是多之長子平文生

鞏 基字丕承平邑廩生品學端正士林欽仰以舌耕爲  
業門下成就者甚多

江油縣志

卷十八 人士

二十七

歐欽典武生樸誠端謹以耕讀傳家倡建宗祠所立規則  
甚善族眾遵守孫燦瑛文生

歐欽敏性剛方言動不苟治事果決族親子弟咸敬畏之  
孫燦鼎廩生

唐代冕字南州文生尊師重道與世無爭建宗祠置義田  
族間老幼資以養教子恕孫棣均文生

楊泰山處士性古直精岐黃活人無算以此起家孫繼先  
候選訓導紹先歲貢榮先文生餘亦有聲庠序

陳遇盛字熙齋平邑歲貢質直好義治家有法望重鄉閭

壽至八十五



陳煥新字光裕文生和平坦易好爲善舉與弟武生煥彰友愛尤篤姪玉龍玉琳均文生孫琅廩生

朱廷英歲貢衣之子幼有至性藍逆入境殉難子家訓文生孫亮采廩生

葉煥堃文生恂謹質樸與世無忤縣南建節孝總坊慨捐田一段以成善舉

強紹先吏員性靈敏入縣刑科辦事果決因拏匪出力知縣武丕文請給六品頂戴尤好施與捐田一段以作節孝總坊基礎

白天祿文生慷慨好義光緒十七年捐貲建修惜字庫於

江油縣志

卷十八 人士

二十八

義興場四里許

張倫邑龍泉場人明時任松潘總兵聲威卓著致仕歸里倡首開本地水牌樓堰一道灌田數千畝里人因名曰松潘堰至今稱道不衰其孫元佐在國朝又任松潘總兵可謂世濟其美矣故補列於此

